



selvaclub sagogn

**Protocol dalla 50avla radunonza generala dil Selvaclub Sagogn  
Venderdis, 29 da settember 2023 allas 19:00, Aula casa da scola a Sagogn**

**Perstgisas:** Anja Felix, Barbara Klötzli, Petra e Dario Cavelti, Claudio ed Anita Brenn, Alois Poltéra, Roman Caderas, Maria e Gion Mongilli, Augustin Beeli, Alexander Ernst, Ornella Poltéra, Lea ed Enrico Arpagaus e praticamein tuts trenaders Curdin, Anian, Vanessa, Gianna, Felix, Gian Maria.

**Presents:** 17 persunas (tenor gliesta)

**Tractandas:**

1. Beinvegni ed elecziun da dumbravuschs
2. Approbaziun dalla gliesta da tractandas
3. Approbaziun dil protocol dalla radunonza generala 2022
4. Rapports annuals
  - a) dalla presidenta
  - b) dil cau G&S
5. Rendaquen
6. Rapport dils revisurs ed approbaziun dil quen
7. Preventiv 2023/24
8. Contribuziun annuala
9. Plan da lavur 2023/24
10. Giubileum 50 onns Selvaclub
11. Orientaziuns e varia

**1. Beinvegni ed elecziun dumbravuschs**

La presidenta Marianna Manetsch fa in cordial beinvegni als presents ed arva la 50avla radunonza generala dil Selvaclub.

Ella constatescha che la radunonza generala seigi stada publicada 2 gadas el Fegl Ufficial ed ella Ruinaulta.

Selina Shresta vegn elegius unanimamein sco dumbravuschs.

**2. Approbaziun dalla gliesta da tractandas**

Era las tractandas da questa radunonza ein stadas publicadas al Fegl Ufficial ed ella Ruinaulta.

Davart la radunonza generala dat ei neginas propostas ni addataziuns pertuccont las tractandas. Las tractandas vegnan approbadas unanimamein.

### **3. Protocol dalla radunanza generala 2022**

Il protocol dalla 49avla radunanza generala ei publicaus sin la homepage dil Selvaclub. Plinavon ein entgins exemplars dil protocol mess si dapi las 18:30 per prender envesta.

Il protocol vegn approbaus unanimamein cun in grond engraziel al actuar.

### **4. Rapport annual**

#### **a) dalla presidenta**

Il sguard silla sesiun da cuorsa liung 22/23 croda ora fetg cuorta pertuccont la situaziun dalla neiv. La loipa e la Tegia eran serradas duront l'entira stagiun.

Il menaschi dalla Tegia ed il cuors dalla loipa ein vegni drizzai en tschei onn gia miez november. Deplorablamein ei il plaun da Sagogn restaus brin-verts, aschia che era la Tegia ei restada serrada. La Tegia serrada ha ils davos onns adina puspei procurau per discussiuns el vitg; denton lessel cheu aunc inagada prezisar che nus arvin mo la Tegia sche nus savein arver la loipa ed affitar skis.

Eveniments publics havein sut quellus condiziuns buca saviu menar atras, denton essan sevesir per ina tscheina comunabla suenter haver rumiau en puspei ils pals fin mars.

Gl' ei stau ina gronda sfida pils trenaders da motivar ils affons pils trenaments tschei onn. Cunquei che l'entira regiun ha giu ina gronda munconza da neiv ein ils trenaments sin skis vegni menai atras per naven da miez december. Dapli dalla JO, dallas activitads e digl onn da skis vegn Patric a rapportar.

Tgei che lessel cheu denton buca laschar da menziunar ei che era sche nos affons ein buca stai en biars tier las cuorsas digl Energia Alpina Nordic Cup – igl engaschi da participonts e trenadras ei staus exemplarics e quei ei lu mintgamai era semanifestau sil podest!

In grond compliment a tuts affons per lur motivaziun ed entusiassem!

En il num dalla suprastanza in grond engraziel a tuttas trenadras e trenaders per lur engaschi profesional aschibein tecnic sco era didactic duront quei unviern da cuorsa liunga tut auter che sempel, en favur da nos affons, als geniturs per lur sustegn e per motivar ils affons dad ir als trenaments. A Roman lessel engraziar per sia lavur sco coach e coordinatur da J&S, a vus tuts per vies engaschi cu ei va per motivar ils affons e drizzar en il menaschi (era sche nus vein buca activau el uonn), a Gian Maria per mantener la pagina d'internet dil Selvaclub e secapescha als collegas dalla suprastanza per la collavuraziun fetg emperneivla.

#### **b) dil cau G + S, Patric Caderas**

Entschiet ha la sesiun ils 23 d'uost culs emprems trenaments. Tochen suenter las vacanzas d'atun mo ils trenaments dil mardis. E suenter las vacanzas d'atun aunc ils trenaments dalla sonda. Il motiv principal era ch'entschins commembers ein da quei temps aunc activs en autras uniuns las sondas. Activ alla JO ein 14 commembers.

Deplorablamein dat ei adina puspei commembers che reageschen buc sin e-mails, ina causa fetg vilenteivel per ils trenaders.

Ils punct culminonts eran segir puspei ils fins d'jamna giu Tenero e a Pontresina.

Cuorsas vein priu part al gi da sport digl SST a Mustér ed allas cuorsas digl Energia Alpina Cup. Per l'emprema gada che jeu seregordel ha la cuorsa da silvester a Trin buca saviu vegnida menada atras ord munconza da neiv a Trin ed schizun si Bargis. Aschia che la cuorsa da Trin ei vegnida menada atras per ils 04 da fevrer. Nossa cuorsa vein menau atras ils 21 da schaner si Flond, ils 28 da schaner era la cuorsa si Sedrun ed ils 25 da fevrer a Trun. La finiziun era lu aunc ils 5 da mars a Castrisch.

Ils trenaments vein ord munconza da neiv stuiu menar atras si Flond sin la Loipa cun neiv artificiala. Ord quei motiv vein mo saviu menar atras ils trenaments dalla sonda sin neiv. Ils trenaments dil mardis vein fatg en halla. Damai che nus vevan aschia mo paucs trenaments sin neiv, sun ils progress en la tecnica da cuorsaliunga plitost da pauc. Il ei impurtont che nos commembers san ir tecnicamein schuber.

Encunter la fin dalla sesiun ei aunc vegniu la damonda daco che nus fagein buc ils trenaments dil mardi e si Flond. Quellas ponderaziuns vevan era fatg, mo quei ei buc aschi sempel. La loipa si Flond ei ualti cuorta ed ord munconza d'alternativas eran fetg biars curriders sin quella loipa. Il ei in fatg che nus druvein pli bia plaz sin loipa che auters curriders. Leutier vegn che ils trenaments si Flond pretenden bi temps pils transports. Per la proxma sesiun savein segir aunc discussionar sch'il giavisch ei cheu.

Fetg stentuts era quest uonn da survegnir ils daners da J+S. Damai ch'ei han midau lur system da dar en ils trenaments, functionava nuot pli. Ei fuss eventual inagad da sclarir ch'ils biars menaders da J+S fan lur lavur voluntari e lessan buc aunc star avon il PC e far lavurs administrativas.

Sco davos saiel mo aunc gi che nus duvrein puspei inagada ina sesiun cun bia neiv aschia che nus savein far ils trenaments a Sagogn e lu sun jeu perschuidius che nus survegnin era puspei novs commembers.

## **5. Rendaquen**

Nies cassier René Wellinger explichescha il quen annual 2022/23. La facultad dil Selvaclub munta ils 20-09-2023 sin frs. 65'613.36.

Pertuccont la munconza da neiv e negins gudogns dalla Tegia Nordica siara il quen cun ina perdita da frs. 13'813.26.

Plinavon explichescha René competent tuttas posiziuns del quen cun informaziuns corrispundents e risponda allas damondas dils commembers. Engraziel zun fetg a René per sia lavur acribica e per sias explicaziuns.

## **6. Rapport dils revisurs**

En num da nos revisurs Hans Niederberger e Enrico Arpagaus constatescha Hans che tut las quittanzas ein avon maun e che la contabilitad seigi vegnida menada cunscient e schuber sco adina. Hans propona alla radunonza d'acceptar il rendaquen e da dar la descharscha a cassier e suprastonza.

Il quen vegn approbaus unanimamein. In grond engraziament a René per siu grondius engaschi sco cassier dil Selvaclub. Plinavon engraziein era a nos revisurs Hans ed Enrico per lur prezziada lavur.

## 7. Preventiv 2023/24

Sper entradas da CHF 20'310.00 prevesa il preventiv expensas da CHF 27'850.00. Ei dat in surpli d'expensas da CHF 7'540.00.

Il preventiv extraordinari per il giubileum ei gia approbau. Quel previsa CHF 6'000.00 per il viadi a Lantsch. CHF 2'000.00 per la jamna a Finland e CHF 10'000 per la fiasta da giubileum dil 23 fevrer 2024.

Il preventiv vegn approbaus unanimamein.

## 8. Contribuziun annuala

La suprastonza propona da mantener la contribuziun annuala sco tochen dacheu.

La contribuziun per commembers "A" resta vinavon sin frs. 40.- e commembers dil SST pagan naven da 18 onns medemamein la contribuziun da frs. 40.- (analog commembers "A"), persunter negina contribuziun pli per ' JO.

Las propostas vegnan approbadas unanimamein.

## 9. Plan da lavur / termins

### Termins

18.11.2023	Drizzar en pil menaschi d'unviern
6.+7.1.2024	Test da skis/Fuffernadi da skis
19.1.2024	Cuorsa da giubileum Sagogn
10.3.2024	Fin dalla stagiun (marathon)
schaner ni mars (prov)	Campiunadi Grischun en Surselva

### Occurenzas da giubileum 50onns Selvaclub Sagogn

1-3.12.2023	Fin d'jamna Biathlon Arena (37 p.)
24.2.-2.3.2024	Viadi a Lappland
23.2.2024	Fiasta da giubileum 50 onns Selvaclub Sagogn

### Cuorsas energia alpina cup

dum. 31 da dec. 2023	=> Trin
ven. 5 da schaner 2024	=> Flond (NIEV egl EAN Cup)
ven. 19 da schaner 2024	=> Sagogn (cuorsa da giubileum 50)
son. 27 da schaner 2024	=> Sedrun
dum. 11 da fevrer 2024	=> Castrisch
dum. 24 da mars 2024	=> rangaziun finala Trun

### Camps JO

Sept./october 2023	=> Viadi d'atun
???	=> gi/gis da J+S

## 10. Giubileum da 50 onns

Il 28 da settember 1973, avon 50 onns ei il Selvaclub vegnius fundaus sco uniun regiunale e cun auter num. Igl emprem president era Ezechiel Paulin.

El decuors da quest onn ein ils participonts dil comité d'organisaziun sentupai reguladamein. Ils han organisau entginas occurenzas che vegnan ad haver liug sco communicaus (Termins).

## 11. Orientaziun e varia

*Tegia:*

Sco gia igl onn vargau vegnis vus a survegnir il calender dil menaschi dalla Tegia culla supplica da s'inscriver ina gada ni l'otra. Tschella stagiun ha quei giu funcziunau fetg bein, la finala ei il plan denton buca vegnius en acziun. Cunquei che Daniel ha surpriu tschei onn il post d'actuar, vegn lez ad esser la persuna da rapport en caussa.

Ei dat sco dacheu ina pintga paga da 20.- per ura per personas sur 18 onns, affons sur 10 onns survegnan 10.- ed affons sut 10 onns 5.-. Per mintg petta che vus purteis sperasvi suvegnis mintgamai 15.-, per ina tuorta 20.-.

Questa stad ha la vischnaunca inziau l'avertura dalla Tegia las dumengias dallas 14 h-17 h. Quei ei vegniu menau dallas uniuns da Sagogn en turnus – priu ora il Selvaclub. Nus essan sapientivamein buca separticipai all'ustria cunquei che noss'idea ei adina stada da metter la Tegia en connex cun la cuorsa liunga.

Suenter ina discussiun cun Katrin Blumberg dalla suprastonza pertuccond igl unviern essan nus se-cunvegni ch' il Selvaclub sa menar la Tegia igl unviern sco tochen dacheu. **Niev** ei che, en cass da munconza da neiv e loipa serrada, la Tegia vegn ad esser aviarta per mintgamai **treis uras la dumengia suentermiezd**i e che duront quei temps serrassen nus sco uniun la Tegia. Nus survegnin sco era tschellas uniuns 26.- per ura paga dalla vischnaunca. Tgei che pertucca bubrondas e pettas vegn lu quintau giu sco tschels dis mo denter il Selvaclub.

Il mischedem cun outras uniuns duront igl unviern fuss buca stau el senn dil Selvaclub. La suprastonza ei dil meini che, aschiditg ch'il temps d'avertura en cass da munconza da neiv ei mo treis uras la dumengia, ei quei en uorden.

Harald vul saver il meini dils commembers pertuccont la neiv artificiala. La maioritad dils commembers presents ei dil meini ch' ina pintga loipa cun neiv artificiala seigi ina buna caussa.

Allas 20:15 siara nossa presidenta Marianna la 50avla radunonza generala, engrazia als presents per lur preschientscha ed envida ils commembers a tscheina alla Ustria Stiva Grischuna.

Sagogn ils, 30 d'october 2023

Daniel Tuggener